

Ibripe Mashikapagunla Chagdis.

Ibripe Mashikapagunla chagdisi skor.

I chagdis dia dzadkanboe, khoranji miñ mane dia dzadte midug. Chossi nanja khaspa manpoe i chagdis diadzadkanbo sheshessi stsonðus coste (Sperna Paulu, Apolos, Barnabas tañ yañ manpozhiği miñ zers). Dospoa i chagdis dikanbo suzhig innañ cañ khyad chaces medpa innog. Khagcanbo ni, i chagdis dikanboa sunrabssi skorla matharkhyel hago yodkan yañ kho ibripa Mashikapa inkanbo tantan innog.

Chossi khaspa manchee i chagdispo Yerushalemmi chodkhan thestor chee sañ sñunla dia dzadkyag zerranog. Tebo nam Yahudapagunni Rommi gyalpo kyesarri wañsulli gyabgal coe tus inpin, kabo Yesu ðonste sontea zhañssa dzadte lo 37 ni stiñne cuñ.

Chagdis dikanbi i chagdispo ibripa dadpe nanja ldanmaldankan tañ khoran nyampo ðelyodkan tatpacangunni phia dia dzads. I migun tus manpozhiğne pharla Mashikapa inkanbo ñadañña i chagdispoe nanje salpo gyus chanog. Innañ tatpa cocespoe nagsbardo thonpa, khoranji zhanma tatpacangun nyampo dzomces phañste Yahudape chossi gyabne chen sammadpin.

Chagdis dikanbi i chagdis dicesi gyuntshangun ni-

Mozessi thims tañ zhalchad snyinpe sañ Yesu gyudte tharpa tañ sdigpe kane shagspa thobcespo, manja shedcan tañ tagpo inkanbo stannanog. Yañ khoe Mozessi thimssi gyabne ðulces manpa, Yesu mashike nanja tatpa coces cigpo gyudte Konchoggi skundunla khoranji ðanpo gyurcespo salpo cos. Chagdis mancheaboe nanja teboe skorla diadzadte innog. Innañ lagluspoe nanja zhan nasluggunni skorla diadzadte dug, sperna:-

Khoe sdugsñalli tuslañ tatpacangun dzomces yañ dadpe nanja manja sambacan gyurte ldancesla spospa tañin, sdugsñalli tusla dadpe nanja stanpo duggos zerranog.

Khoe Konchog tusgyun khoranji nyampo zhugskan yañ sdugsñal cuñcespo Konchog khoranji yabbi, khoranji gyalli phia skyonja dzadkanbo hagocugcespo innog.

Khoe khoranji zusme lobpongunne spañ phuds, yañ stinjugpoeka khoe phia moslam zhucesla zhuwa phuls..

Konchoggi khoṅṅi ṣas gyudte zhalta sals.

1:1 ne 4

1 ¹ Sṅunme tusla Konchoggi ṅadaṅgunni phamespogunla, lan maṅpo taṅ tshul sosoe naṅṅa, khoṅraṅṅi luṅstonpagun gyudte zhalta salla dzadte innog. ² Innaṅ dagsa i stiṅjuggi zhaggunni naṅṅa khoṅṅi, khoṅraṅṅi ṣas gyudte ṅadaṅgunla zhalta salla dzadte innog. Konchoggi khoṅraṅṅi ṣas, citshaṅmeka norskal thobcescanbo skoa dzads, yaṅ khoṅ gyudte Konchoggi dzambuliṅbo coa dzadte innog. ³ Ṣassi naṅṅe Konchog khoṅraṅṅi zirrijidpo biṅces yaṅ, Konchoggi naṅṅa yodkan tsogssi codlambo ṣassi naṅṅaṅ yodte innog. Ṣassi khoṅraṅṅi ka tagpo gyudte citshaṅma stanpo borra dzaddanog. Khoṅṅi mitshaṅma, sdigpagunni kane stsaṅma coa dzadte stiṅne, khoṅ namkhe naṅṅa zirrijidcanni Konchoggi stsiwacanni nassa yaspaboeka zhugsa dzads. ⁴ Teboe ṣaspo phonyagunni saṅ maṅṅa tagpo inkanbo stannanog, kazug Konchoggi khoṅṅa salla dzadkanni tshanbo, tegunni miṅṅi saṅ tagpo innog.

Ṣas ni phonyagunni saṅ tagga in.

1:5 ne 14

⁵ Ṣas tagpo inkanbo ṅadaṅṅa gyusinnog, ciazerna Konchoggi phonya ciggaṅ izug molla mane madzads.

"Khyoraṅ ni ṅe butshabo in.

Diriṅ ṅa khyoraṅṅi aba gyurte in^a."

Konchoggi iboaṅ molla dzads.

"Ṇa khoe aba yaṅ kho ṅe ṣas gyurin."

⁶ Yaṅ Konchoggi khoṅraṅṅi butsha stsiwacanbo, jigstenni naṅṅa kalla dzad zane, khoṅṅi molla dzads.

"Konchoggi phonya tshaṅme khoṅṅa colgos."^b

⁷ Phonyagunni skorla khoṅṅi mols.

"Khoṅṅi khoṅraṅṅi phonyagun luṅspozhig tsogsla lamcugin,

Yaṅ khoṅṅi zhabstogpagun^c meljab tsogsla."^d

^a1:5 ibo ni zhalchad snyiṅpe suṅgurri speche 2:7 taṅ Shamuelli specha nyispe 7:14 naṅṅa yodte innog.

^b1:6 ibo ni ṅhimssi specha nyispa, Mozessi specha ṣṅape 32:43 naṅṅa yodte innog.

^c1:7 yaṅṅa phonyagun

^d1:7 ibo ni zhalchad snyiṅpe suṅgurri speche 104:4 naṅṅa yodte innog.

⁸ Innaj şasla khoŋŋi mols.

"Nyeraj Konchog in, nyeraŋŋi zhugsthispo tusgyunnegyunla lusin.

Nyeraŋŋi daŋpo nyampo waŋşulla dzadin.

⁹ Daŋpo lasgunla nyeraŋŋi cespä

Yaŋ ŋanpa lasgunla naphrad coa dzaddanog.

Teboephia Konchog, nyeraŋŋi Konchoggi nyeraŋŋika^e

Gamoe marbo^f yaŋgunni saŋ maŋŋa lugga dzadte

Nyeraj skoa dzads.^g"

¹⁰ Khoŋŋi şasla iboaj molla dzads,

"Tsoo, nyeraŋŋi gozuggika jigstenni magldanbo tiŋŋa dzads.

Yaŋ nyeraŋ raŋŋi chagne namkhaa coa dzads.

¹¹ Tegun medkan chen, innaj nyeraŋ tusgyun lusses innog.

Tegun koslag snyiŋpa tsogsla chadin.

¹² Nyeraŋŋi tegun koslag tsogsla ltabba dzadin.

Yaŋ koslag snyiŋpazhig tsogsla phaŋŋa dzadin.

Innaj nyeraŋ tusgyun tsogs lusin.

Nyeraj tusgyunnegyun sotea zhugsin.^h"

¹³ Yaŋ Konchoggi phonya ciggaŋ mane molla madzads.

"De nyeraŋŋi daogun pasmo coste,

Nyeraŋŋi zhabssi yogga khyoŋkhyoŋ tshogpa,

Nyeraj ŋe yas chogsla stsiwacanni nassaboeka zhugs.ⁱ"

¹⁴ Teboephia phonyagun, tharpa norskalla thobcescangunla zhabstog zhucesla

kalla dzadkanni semsnyidgun innog.

Snaŋstag taŋcesla spaŋ puds.

2:1 ne 4

2 ¹ Teboephia ŋadaŋgunni tshorkanni denbaboeka snaŋŋa şante taŋgos. Galtes nyan manyanna, ŋadaŋgun teboe kane kule kulea thagriŋŋa chaşidces innog.

^e1:9 ika yab Konchoggi şas Konchogga zhalta salte innog.

^f1:9 mizhig khagcan lassi phia sko zane khoe goeka mar lugganog.

^g1:9 ibo ni zhalchad snyiŋpe suŋgurri speche 45:6 taŋ 7 naŋŋa yodte innog.

^h1:12 ibo ni zhalchad snyiŋpe suŋgurri speche 102:25 taŋ 27 naŋŋa yodte innog.

ⁱ1:13 ibo ni zhalchad snyiŋpe suŋgurri speche 110:1 naŋŋa yodte innog.

² De tebo zerrad, ciazerna Konchoggi phonyagun gyudte thims salla dzadkangun stanpo coa dzadte innog. Yan thimscagkan tan thims khaa manyankan tshanmala ospe chadpa phogste innog. ³ Galtes nadangunni tetsogssi halassi tharpaa snanstag mataanaa, tene kazuggi nadangun te chadpe kane shornyancesi samba tanjad, katharpabo gomaraŋ Tsoo Yeshu khoŋraŋŋi shadda dzads, tene tshorkangunni tebo nadangunla khyonste inpin. ⁴ Konchoggi stas, halasshessi las, dzadpa rigs manpo tan, dampe thugnyiddi khyud gun, khoŋraŋŋi thuggoŋs nanzhin salla dzadte lonbo danpo inkanni spanpo salla dzaddanog.

Tharpa chogsla thidda dzadkan.

2:5 ne 18

⁵ Konchoggi yoncescanni soma jigstenbo phonyagunni wanŋi yogga borra madzadda innog, ka jigstenboe skorla ne diad. ⁶ Dampe sunrabssi khag shiggi nanŋa moldug.

"Nyeranŋi snanŋa salla dzadkanni migunla,

Rin ci yodte innog?

Ci migun tetsogssi snanstag thobcessi ospa innogga?

⁷ Tustsapigshiggi phia nyeranŋi khoŋgunla Kosa

Phonyagunni san chuŋun salla dzads.

Tenean nyeranŋi migunla spal tan

Stsiwacanni thorshogpo skonna dzads.

⁸ Nyeranŋi citshanmeka khoŋgunla wan salla dzads.j"

Ta citshanmeka zerracig, cizhiggaŋ khoŋgunni wanŋe philogga luste medpa innog. Dagsa tshogpa nadangunni citshanma khoŋgunni wanŋi yogga borrala mathonŋa innog. ⁹ Innaŋ nadangunni Yeshu thonŋanog kaboa "Tsapigshiggi phia phonyagunni san chuŋun Kosa salla dzads." Khoŋŋi nadangunni phia shicessi sdugsnalbo khurra dzads, ona Konchoggi thugrjee zhaste Yeshui tshanme tonla shicespo nyonŋa dzads pasan, khoŋŋa spal tan stsiwacanni thorshogpo skonna dzadte innog.

¹⁰ Konchoggi, khoŋraŋŋi phia yan khoŋraŋ gyudte citshanma coa dzads.

Khoŋraŋŋi zirrijidpo mi manpo nyampo goa dzadcesla thabsldinŋa dzads. Khoŋgun

^j2:8 ibo ni zhalchad snyinŋe sungurri speche 8:4 ne 6 nanŋa yodte innog.

tharpe naŋŋa khyoŋŋa dzadcessi phia Yeshui sdugsŋal gyudte, khoŋ dzomspo^k uskyoŋ coa dzadcespo, Konchoggi thagcad ɗaŋpobo inpin. ¹¹ Soŋpasan ta Yeshu taŋ khoŋŋi dampa coa dzadkan migunla yab cigcig yodte innog. Tennaboephia Yeshui thugthella madzadda, tegunla khoŋraŋŋi spun taŋ spunmo gun molla dzadin innog. ¹² Khoŋŋi Konchogga mols.

"De ɗaraŋŋi spun taŋ spunmo gunla nyeraŋŋi tshanbo shadin.

Dzomste yodkanni spungunni ɗoa,

De nyeraŋŋa stodpa phulin.^l"

¹³ Khoŋŋi iboan molla dzads,

"De Konchogga idshes coin.^m"

Yaŋskyar khoŋŋi mols,

"Ika, ɗa taŋ Konchoggi ɗaa salla dzadkanni ɗugugun yod."

¹⁴ Konchoggi ɗugugun sha taŋ ɗagga cokanni mirigs in pasan, ɗassan sha taŋ ɗagga gyurra dzads. Mi gyurces cigpo gyudte khoŋ ɗoŋs nyannanog, yaŋ ɗoŋshes cigpo gyudte khoŋŋi rdudgunni gobe waŋ medkan coa dzad nyannanog, te waŋbo ni shicespo innog. ¹⁵ Mitshe gaŋpo shicesi jigssi tsheyogga zumste yodkan tshanma, khoŋ ɗoŋsshes cigpo gyudte thar cugga dzads.

¹⁶ ɗas phonyagunla manpa Abrahammi phorgyudgunla rogs dzadcesla skyodda dzadkanbo, ɗadaŋgunla salpo gyusinnog. ¹⁷ Teboephia Konchoggi zhabstoggi naŋŋa, snyinrjecan taŋ idshescanni lama chenmo gyurcessi phia, khoŋ cisathogne khoŋŋi spun taŋ spunmo gun tsogs, gyurra dzadcespo khagcan inpin. Tene khoŋŋi migunni sdigpa medkan coa dzadcesla ɗogchod phulnyan. ¹⁸ Khoŋŋa tshodlte naŋŋa sdugsŋal cuŋ pasan, ɗadaŋgunla tshodlta cuŋ zane khoŋŋi rogs dzadthubin.

Yeshu ni Mozessi saŋ khagcan innog.

3:1 ne 6

3 ¹ Teboephia dampa spun taŋ spunmo, Konchoggi gyaɗsiddi naŋŋa bodda dzadkanni ɗopagun, ɗante snaŋŋa taŋste Yeshui skorla samba toŋshig. Khoŋ Konchoggi lonkhyoŋŋa dzadkan taŋ lama chenmo inkan dadpe spaŋpo ɗazhe taŋste in. ² Yaŋ khoŋ ni, khoŋ ldamma dzadkanni Konchogga idshescan innog, kazuggi

^k2:10 dzomspoe donbo ni citshanma tshanste yodkanzhig innog.

^l2:12 ibo ni zhalchad snyinpe sunŋurri speche 22:22 naŋŋa yodte innog.

^m2:13 ibo zhalchad snyinpe yeshaye speche naŋne 8:17 naŋŋa yodte innog.

Konchoggi migunla zhabstog zhucessi naŋŋa luŋstonpa Mozes idshescanzhig yodpin.

³ Yeshua Mozessi saŋ maŋŋa spal thobgoshessi ospa innog, kazuggi khaŋpa stsigkanni miboa, khaŋpe saŋ maŋŋa stsiwe ospa yod. ⁴ Khaŋpa tshaŋma, suzhiggi stsigste innog, innaŋ citshaŋma stsigga dzadkanbo ni Konchog zhugste innog. ⁵ Ta Mozes ni, Konchoggi migunla zhabstogpa idshescanzhig inpin. Khoŋŋi zhabstogpo ni, yoŋcescanni tussi naŋŋa Konchoggi molla dzadcescanni spebo, nagshe chulla inpin. ⁶ Innaŋ Mashika Konchoggi ŋas in pasaŋ, khoŋ Konchoggi khaŋpa gaŋpoe khagkhurbo zhugste innog. Yaŋ galtes ŋadaŋgunni spospa taŋ mashike naŋŋa rewa gun stanpo borna, tene ŋadaŋgun Konchoggi khaŋpabo innog.

Tatpa miphaŋcesla spaŋ puds.

3:7 ne 19

⁷ Tennaboephia dampe thugnyiddi mols,

"Diriŋ khyozhagunla khoŋŋi suŋskadpo tshor zane,

⁸ Khyozhagunni snyiŋ skyoŋpo gyur macugshig,

Kazuggi Israelpagunni ristoŋŋi naŋŋa ŋe zodpaa

Tshod staste ŋaa ŋolog co zane cos,

⁹ Zhan lo zhibcu, khyozhe phamespogunni ŋe stasgun

Thoŋsteaŋ khoŋgunni ŋe zodpe tshod stas.

¹⁰ Tennaboephia ŋa tegunnika ŋo yoŋs yaŋ ŋe zerpin

"Khoŋgunni snyiŋ tusgyun ŋe kane gyurte thagriŋŋa charug.

Ŋe cocesla zerkangun khoŋgunni coa mirug.

¹¹ Ŋa ŋo yoŋste naa khurte zerpin "Ŋe ŋaltshose

Nasse naŋŋa khoŋgun mane yoŋ minyan."ⁿ

¹² Cespe spun taŋ spunmo gun, khyozharaŋŋi snyiŋgun ŋanpa taŋ tatpa medkan migyurcesla shaŋ coshig, kaboe zhaste khyozhagun sonpo Konchogne thagriŋŋa khyerranog. ¹³ Innaŋ khyozhaa ciggaŋ sdigpe gobskorri naŋŋa soŋte Konchoggi gyabgalla snyiŋgun skyoŋpo migyurcesla, khyozhe zhagdaŋ, cig taŋ cigga spospa taŋgos, thore phia ŋuŋste madug diriŋraŋ cos. ¹⁴ Ŋe tebo zerrad, ciazerna kazug goma ŋadaŋŋi tatpabo Konchoggi naŋŋa stanpo yodda tsogsla, galtes ŋadaŋ thame

ⁿ**3:11** ibo ni zhalchad snyiŋpe suŋgurri speche naŋŋe 95:7 ne 11 naŋŋa yodte innog.

tus tshogpa idshescan lusna, tene n̄adaŋgunnaŋ mashike norskalbo goste thobin.

¹⁵ Dampe suŋrabssi naŋŋa molte innog,

"Diriŋ, khyozhagunla khoŋŋi suŋskadpo tshor zane,

Khyozhagunni snyiŋ skyoŋpo gyur macugshig,

Kazuggi Israelpagunni ŋolog co zane cos."^o

¹⁶ Ta Konchoggi suŋskadpo tshorteanaŋ khoŋŋa ŋolog cokangun su innog? Ci!

Tegun Mozessi Ijibbi yulne phiŋste khyoŋkan tshaŋma manogga? ¹⁷ Yaŋ lo zhibcu

Konchogga thugsŋo zhaŋsshugkangun su innog? Ci! Te migun sdigpa cokangun

yaŋ tegunni ro ristoŋŋi naŋŋa luskangun manogga? ¹⁸ Yaŋ Konchoggi tegun khoŋŋi

ŋaltshose nasse naŋŋa mane zhugs minyan molte naa khurra dzad zane, su nyampo

zhalta salla dzadte innog? Ci te migun khoŋŋi khaa manyankangun manogga?

¹⁹ Soŋpasanaŋ n̄adaŋgunni thoŋŋanog, khoŋgunni tatpa micocespoe zhaste, khoŋgun

Konchoggi ŋaltshose nasse naŋŋa zhugs manyanna inpin.

Konchoggi zhalchad dzadkanni ŋaltsho.

4:1 ne 13

4 ¹ Konchoggi ŋaltshose nasse naŋŋa chanyancessi zhalchadpo taruŋŋaŋ
luste yod pasanaŋ, n̄adaŋgunni ŋone suzhiggaŋ te ŋaltshose nasse naŋŋa zhug

mazhugssa, milusshessi phia, shaŋ coshig. ² Ciazerna Konchoggi ŋaltshose

nas ɔalɔdig coa dzadkanni gamoe nastshulbo, n̄adaŋŋi phamespogunla shadkan

tsogsla n̄adaŋgunni phianaŋ shadte innog. Innaŋ ibo khoŋgunla phanthogscanzhig

magyur, ciazerna khoŋgun Konchoggi kanyante idshes cokangun tsogs manpin.^p

³ N̄adaŋ tatpa cokangun cigpo khoŋŋi ŋaltshose nasse naŋŋa chanyannanog, kazug
Konchoggi molte innog,

"De ŋoe naŋŋa naa khurpin. 'De ŋaltshoe

Nasse naŋŋa khoŋgun mane yoŋ minyan.'^q "

Zhan Konchoggi jigsten dzaddi tusne pharla, i ŋaltshose nassabo ɔalɔdig dzadte

inpin. ⁴ N̄adaŋŋa i ŋaltshose nassa ɔalɔdig yodkanbo gyusinnog, ciazerna dampe

suŋrabssi nassazhiggika, zhag rdunpe zhaggi skorla ɔia dzadte dug, "Chaglas

^o3:15 ibo ni zhalchad snyiŋpe suŋgurri speche naŋne 95:7 ne 8 naŋŋa yodte innog.

^p4:2 i labzhabo stsiruggi speche 13 poe naŋŋa Griiskanni gyalrabs taŋ ɔelte innog.

^q4:3 ibo ni zhalchad snyiŋpe suŋgurri speche naŋne 95:11 naŋŋa yodte innog.

tshaṅma dzadte stiṅne zhag rdunpe zhagga Konchog ṅaltshoa dzads.^r ⁵ Innaṅ sṅunma ṅe Griiskan tsogsla Konchoggi molla dzads, "Khoṅgun ṅe ṅaltshose nasse naṅṅa mane yoṅ minyan."

⁶ Konchoggi ṅaltshosabo taruṅṅaṅ migun yoṅcesla pheste innog, innaṅ khaa minyancespoe zhaste, gamoe nastshul gomaraṅ tshorkangun tenaṅṅa cha manyan. ⁷ Konchoggi ṅaltshose nasse naṅṅa chacesla yaṅ tusshig ldamma dzads, teduspo ni diriy innog. Tus maṅpoe stiṅne Konchoggi gyalpo Dabid gyudte ibo shadda dzads, kazuggi ṅe sṅunla Griiste yod.

"Diriy khyozhagunla khoṅṅi suṅskadpo tshor zane,
Khyozhagunni snyiy skyoṅpo gyur macugshig."^s

⁸ Galtes Yoshuaa Israelpagunla te ṅaltshobo taṅcessi naṅṅa thaṅspo luspinna, tene Konchoggi zhanyaṅ zhagshiggi skorla stiṅne zhalta masalla yoddo. ⁹ Teboephia ṅaltshoe tuspo^t taruṅṅaṅ Konchoggi migunni phia luste innog. ¹⁰ Konchoggi jigsten dzadte stiṅne ṅaltshoa dzadda tsogsla, khoṅṅi ṅaltshose nasse naṅṅa lebkan tshaṅmaa, khoṅraṅṅi lasgunni kane ṅaltsho thobin. ¹¹ Soṅpasanṅ ṅaltshose nasse naṅṅa lebcessi phia, ṅadaṅgunni stsonḍus gyalla coin. Innaṅ galtes ṅadaṅgunni Konchoggi khaa manyanna, tene ṅadaṅgunnaṅ Israelpagun tsogsla thaṅspo milus.

¹² Tantanla Konchoggi kagun sonpo taṅ shedcan innog. Ibo ni tshaṅmesanṅ kha nonpocanni zurnyis yodkanni rai sanṅ nonpo yodte innog, teboe sems taṅ semsnyid yaṅ ruspe thud taṅ ruspe skanṅ gun cadte soso dzad nyannanog. Teboe ṅadaṅgunni naṅkuggi samtshul taṅ dodpa gun philogga phiṅṅanog. ¹³ Dzambuliṅṅi naṅṅa cizhiggaṅ Konchogne vaste bor minyan. Khoṅṅi miggi dunla citshaṅma kab makabba pheste yodte innog, yaṅ khoṅṅi dunla ṅadaṅgunni las tshaṅme stsirug taṅgosin.

Mashika ni ṅadaṅgunni lama chenmo zhugste innog.

4:14 ne 5:10

¹⁴ Tene ṅadaṅgunla namkhe naṅṅa zhugskan Konchoggi ṣas Yeshe, lama chenmo taḡpozshig yod pasanṅ, ṅadaṅṅi dadpe spanpo taṅkanboeka stanpo thamste dugshig.

^r4:4 ibo zhalchad snyiṅpe naṅṅe gozug zerkanni speche 2:2 naṅṅa yodte innog.

^s4:7 ibo ni zhalchad snyiṅpe suṅgurri speche naṅṅe 95:7, 8 naṅṅa yodte innog.

^t4:9 Griissi skaddi naṅṅa shabbaddi ṅaltsho Griiste yodte innog, tonbo ni Konchoggi migunni ṅaltsho nyoṅ thubin, kabo Konchoggi jigsten dzadte stiṅne gozug dzads.

¹⁵ Dadaŋgunni i lama chenmoe, ɲadaŋgun semssi naŋɲa uthugs inkanbo khyenna dzaddanog. Ciazerna ɲadaŋ tsogsla khoŋɲiaŋ tenna tsogssi tshodltagun nyoŋs, innaŋ khoŋɲi sdigpa coa madzads. ¹⁶ Tennaboephia ɲadaŋgun snyiŋrjecanni Konchog, thissika zhugste yodkan yodsa hampa nyampo yoŋshig. Teru khoŋɲa snyiŋrje skyeste ɲadaŋgunla gossdom yoddi tusla khoŋɲi thugrje rogsgun thobin.

5 ¹ Migunni ɬone Konchoggi ldamma dzadkanni Yahudape lama chenmo tshaŋme, migunni ɬel Konchog nyampo lusshugcesla, khoŋgunni tshabs coste las coanog. Lama chenmoe khag ni, migunni sdigpe phia semscanni ɬogchod taŋ skyes gun Konchoggi skundunla phulcespo innog. ² Lama chenmo khoranŋunnaŋ semssi naŋɲa uthugs yod pasan, mashessa sdigpa cokangun nyampo bolmo taŋ jampo nyampo las co nyannanog. ³ Tennaboephia khoa khoranŋi sdigpa matshad, migunni sdigpe phiaŋ ɬogchod phulgossanog.

⁴ Lama chenmoe stsiwacanni Kosa suzhiggiaŋ lennyanna manog. I Kose phia khoa Konchoggi ldamma dzadgossanog, kazug Aron zerkanbo inpin.

⁵ Tennaboephia mashike khoŋraŋɲi khoŋraŋɲa stsiwa thobcesla, lama chenmo coa madzads. Innaŋ khoŋɲa

"Khyoraŋ ɲe butsha in.

Diriŋ ɲa khyoraŋɲi aba gyurte in."^u

Molkanni Konchoggi ldamma dzadte innog. ⁶ Zhanyaŋ nassazhiggi naŋɲa Konchoggi khoŋɲa molla dzads.

"Melkizedeg tsogsla khyoraŋ ni tusgyunni phia lamabo in."^v

⁷ Yesu jigstennika zhugste yod zane, khoŋɲi khoŋ shicessi kane skyobba dzadnyankanni Konchogga migchu nyampo kuco taŋin, zhuwa taŋ moslam phulla dzads. Khoŋɲi snyiŋɲi thilne Konchogga kuspa dzadte, khoŋraŋ Konchoggi waŋɲi yogga borra dzadpa, Konchoggi khoŋɲi moslamgun sanna dzads. ⁸ Zhan Yesu Konchoggi ɬas innaŋ, sdugsɲal cuŋɲa dzadcespoe kane, khoŋɲa Konchogga kanyancespo lobs. ⁹ Innagunni zhaste Konchoggi khoŋɲa dzomspo lama chenmo coa dzads. Yaŋ Yesu ni, khoŋraŋɲi kanyankangunla, thamedpe tharpa salla dzadkanbo innog. ¹⁰ Innaboe zhaste Melkizedeg tsogsla Konchoggi khoŋɲa lama chenmoe Koseka skoa dzads.

^u5:5 ibo ni zhalchad snyiŋpe suŋgurri speche 2:7 naŋɲa yodte innog.

^v5:6 ibo ni zhalchad snyiŋpe suŋgurri speche 110:4 naŋɲa yodte innog.

Dadpe naŋŋa ldancesla bods.**5:11 ne 6:12**

¹¹ Mashika lama chenmoe skorla shadgyu maŋpo yodteañ, khyozhagunla hagocugces ma kagspo charug, ciazerna semsnyiddi thogne hagocesla khyozhagun uthugs dug. ¹² Khyozhagun tus maŋpozhiŋne pharla tatpacan in pasañ, khyozhagunni zhanmagunla labzhaa taŋgoshes innog. Innañ khyozhagunla taruŋŋañ Konchoggi kađanpoe magldanbo, yaŋgomane labkanzhiggi gosssom yodte innog. Khyozhagunla zan manpa, ome gosssom yodte innog. ¹³ Oma cigpo thuŋkangun taruŋŋañ tuŋgu chuŋun tsogs innog, khoŋgunla mitshe đanpo phudcessi labzhagun shessa manog. ¹⁴ Kharji ni ldankangunni phia innog, kagunni stsonđus cocespoe, đanpo taŋ ŋanpe khyadpo hagothubte innog.

6 ¹ Soŋpasañ ŋadaŋgun gozuggi mashike skorla labzha thobkangunnika yaŋskyar logste machaa, innañ ldante sambacan rig gyurin. Denba ŋadaŋŋa ŋanpe lasgunni kane gyodpa skyeces yaŋ Konchoggi naŋŋa tatpa cocessi gome labzha gunne yaŋskyar gozugs cogos medte innog. ² Khyozhagunla thuslences, thugnyiddi khyudgun thobcesla goeka lagpa borces, shikangun sontea laŋces taŋ thamedpe thimscad gunni skorla taruŋ maŋŋa labzha lengos medpa innog. ³ Yaŋ Konchoggi thugsdod yodna ŋadaŋgun ldankanni labzhe naŋŋa kyenla chen.

⁴ Gyodpa cocessi phia i migun logste mane khyoŋnyanna manog, kagunla mashike skorla lonboe hago gaŋpo yod, namkhe cinlabsgunni đod nyoŋs, yaŋ dampe thugnyiddi naŋŋa đes, ⁵ Konchoggi ka zanpoe yaŋ Konchoggi gyałsid yoŋcescanni khyudgunni thoŋŋoms yod. ⁶ Yaŋ stiŋne khoŋgun Konchogne gyurte thagriŋŋa soŋ. Itsogssi migun gyodsemssi naŋŋa logste khyoŋcespo nyanna manog. Konchoggi șas phaŋcespoe, khoŋgunni Mashikaa yaŋskyar șkyañshiŋŋika șkyañces yaŋ migunni dunla thelba stances taŋtsogs coste innog.

⁷ Sakyaddi naŋŋa charpa thimste zhiŋbadpagunla stonthogs gyalla smincespoeka Konchoggi cinlabs yodte innog. ⁸ Innañ tsherman taŋ ljaŋtser skyekanni zhiŋ, phanmithogsshig innog. Te zhiŋboa ŋan phogte meatugga dzaddanog.

⁹ Cespe dzaogun zhan ŋazhe tetsogssi spera taŋnaŋ, khyozhagunni mitshe phudtshulbo tharpa thobcescangun tsogs, yodcesla ŋazhaa lokhyel rag.

¹⁰ Konchog ni miospa dzadkanzhig zhugste manog. Khyozhagunni khoŋŋi tonla tsamshiggi stsonđus taŋ zhanyaŋ tatpacangunla rogs cos, yaŋ taruŋŋañ cocespoe Konchogga cessa stankanbo, khoŋŋi mane rjedda midzad. ¹¹ Khyozhaa sontea

yod zane, zhanmagunla cespa cocespo ηazhe dodpa chenmo in. Tezug cocespoe khyozhagunni rewa cokanbo ɗanda ɗub thubin. ¹² Khyozhagun lasmilam gyur magos. Innan taɗa taɗ snyiɗrus gunni zhaste, Konchoggi zhalchad dzadkan norskalla, thobkangunni speeka ɗulcespo ηazhe dodpa in.

Konchoggi zhalchad idshescan.

6:13 ne 20

¹³ Konchoggi Abrahamma zhalchad dzad zane, naa khurcesla zhansuzhiggaɗ khoɗɗi saɗ taggazhig med pasan, Konchoggi khoɗraɗɗi tshanni naɗɗa naa khurra dzadte mols,

¹⁴ "De tantanla khyoraɗɗa cinlabs taɗste

Khyoraɗɗi phorgyudgun mamaɗpo phelcugin." ^w

¹⁵ Yaɗ Abrahammi zodpa nyampo ɗuɗɗa, khoa Konchoggi zhalchad dzadkanbo thob.

¹⁶ Naa khur zane, migunni khoranɗunni saɗ taggazhiggi naa khurranog, yaɗ naa khurcespoe khoɗgunni zerkanbo stanpo coste zergyugun medkan coanog. ¹⁷ Tenna tsogsla, zhalchad thobkangunla, Konchog khoɗraɗɗi thugssammi naɗɗa mane migyurces inkanbo, tantan salpo cocessi phia khoɗɗi naa khurra dzads. ¹⁸ Sonpasan Konchoggi zhalchad taɗ naa nyisko salla dzads. I nyisko mane migyur, ciazerna Konchogga zun sal mane nyanna manog. Teboephia ηadaɗgunni thobcescanni tharpe rewaboa thamste, Konchoggi chaggi yogga skyobba dzadcesla khoɗɗi dunla baɗtaɗkan ηadaɗgunla lokhyel chenmo borthubbanog. ¹⁹ I rewaboe ηadaɗgunni semspo stanpo, mane skulminyancesi ɗag^x taɗtsogs coanog, yaɗ ηadaɗgun yolle gyabba, Konchoggi tshaɗmesan dampe nassaboe naɗɗa thidte khyerin. ²⁰ Yesu teru ηadaɗgunni tonla sɗunla skyod tsharte, Melkizedeg tsogsla khoɗ tusgyunni phia ηadaɗgunni lama chenmo gyurra dzadte innog.

Melkizedeg ni Abrahammi saɗ tagga in.

7:1 ne 15

7 ¹ Melkizedeg ni Shalemmi gyalse gyalpo taɗ tshaɗmesan tagpo Konchoggi lama inpin. Abrahammi gyalpogunni gyabgalla mag taɗste gyalkhaa thobte

^w6:14 ibo zhalchad snyiɗpe naɗɗe gozug zerkanni speche 22:17 naɗɗa yodte innog.

^x6:19 Griissi speche naɗɗa Griiskanni tshigspoe ton ni tshoe naɗɗa ɗuziɗ nassa ciggika borcesla kolkanni cakug chenmozhig zerte dug.

logste yonş zane, Melkizedegga kho thug, yaŋ khoŋŋi Abrahamma cinlabs sals. ² Tene Abrahammi maggi naŋŋa thobkan nor tshaŋme naŋne rcukhagcig, Melkizedegga phuls. Melkizedeg miŋboe ton taŋpo ni, "Gyalpo ɗaŋpo" yaŋ Shalemmi gyalpoe tonbo ni, "Zhidee gyalpo" innog. ³ Khoŋŋi aba, ama ya phamespo matshad, khoŋ skyeces ya shicessi skorla caŋ shadgyu medte innog. Konchoggi şas tsogsla khoŋ tusgyun lamazhig lus.

⁴ Samba toŋshiggaŋ, Melkizedeg tsamshiggi tagpo zhugste manog. Israelli phamespo miŋcan Abrahammiaŋ maggi naŋŋa thobkan tshaŋme naŋne rcukhagcig khoŋŋa phuls. ⁵ Ta Mozessi thims naŋzhinla, Livi phorgyudne inkanni lamagunni Israelpagunni kane rcukhagcig lduchogssadpin, kagunnaŋ Abrahammi phorgyud innog. ⁶ Innaŋ Livipe phorgyudne mankanni Melkizedeggiaŋ Abrahammi kane rcukhagcig lente Konchoggi zhalchad thobkanni Abrahammaa cinlabs taŋş. ⁷ Yaŋ thetshoms mane medpa, cinlabs taŋkanbo cinlabs lenkanboe saŋ chea innog.

⁸ RcuKhagcig lenkanni lamagun, shianog, innaŋ Melkizedeg lamagunni saŋ tagga innog, ciazerna suŋrabssi naŋŋa khoŋ shikanni skorla Griiste med pasaŋ, khoŋ tusgyun sontea luskan theanog. ⁹ Iboaŋ zernyances innog, rcukhagcig lenkanni Livipagunni Melkizedegga rcukhagcig taŋste innog, nam khoŋgunni phamespo Abrahammi Melkizedegga rcukhagcig phuls. ¹⁰ Ciazerna Melkizedeg Abrahamma thug zane, Livipagun maskyea inpin, innaŋ khoŋgunni phamespo, Abrahammi thaggi naŋŋa khoŋgun yodte inpin.

¹¹ Galtes thimssi magldan inkanni Livipe phorgyud lame lasgun gyudte, Konchoggi dunla thaŋspo gyurthubbadpinna, tene ciphia Konchogga yaŋ soso lame rigshig tsugga dzadgos, ka lamabo Aronni gyudne manpa Melkizedeg tsogs inpin.

¹² Ta nam lame gyudbo gyurna tene thimssi naŋŋaŋ gyurja yonşos. ¹³ De spera taŋkanni lamabo Livi phorgyudne manpa, zhanyaŋ phorgyudshigne innog, kagunni chodthiika mane zhabstog mazhua inpin. ¹⁴ De zercessi tonbo ni, ŋadaŋgunni Tsoo Yesu yahude phorgyudne skyodda dzadte innog. Yaŋ Mozessi, te phorgyudne lama skyodkanni skorla mane molla dzadte midug.

Yeshu ni Melkizedeg tsogs innog.

7:15 ne 28

¹⁵ Melkizedeg tsogsla lama sosozhig cuŋcespoe, i gyurjabo ma salpo soŋte innog. ¹⁶ Thims naŋzhin Livii phorgyudne yincespoe, Tsoo Yesu lama gyurra madzads,

innaŋ mane shig minyancesi khyudcan mitshee zhaste, khoŋ lama gyurra dzads.

¹⁷ Dampe suŋrabssi naŋŋa khoŋŋi skorla, "Melkizedeg tsogsla nyeraŋ tusgyunni phia lama in" molte yodte innog.^y

¹⁸ Ona, lama gyurcesla, sŋunme gossgomgun thente medte innog, ciazerna tebo uthugs taŋ phanmithogs yodpin. ¹⁹ Thimssi cizhiggaŋ dzomspo macos. Innaŋ ta dagsa ŋadaŋgunla sŋunni saŋ rewa maŋŋa tagpozhiŋ yodte innog, kaboe ŋadaŋgun Konchog taŋ nyemoa khyerranog.

²⁰ Konchoggi naa khurra dzadte ibo stanpo dzads. Aronni phorgyud tetsogssi naa makhurra lama gyurte innog. ²¹ Innaŋ Yeshu naa nyampo lama gyurra dzads, nam khoŋŋa Konchoggi mols,

"Tsoo Konchoggi naa khurra dzads,

Yaŋ khoŋŋi tebo cagga midzad,

'Khyoraŋ tusgyunni phia lama in'.^z

²² Te naboe zhaste Konchoggi ŋadaŋgunla chaddon ma gyallazhiŋ dzadkanbo, Yeshui tantan coa dzads.

²³ Sŋunme tshirke naŋŋa, lama maŋpozhiŋ yodte innog, ciazerna shicespoe khoŋgunla lame laspo tusgyunni phia co manyan. ²⁴ Innaŋ Yeshu tusgyun sontea lus pasaŋ, khoŋŋi lame chaglaspo tusgyun lussa dzadin. ²⁵ Teboephia khoŋ gyudte, Konchoggika yoŋkangun khoŋŋi tusgyunni phia skyob thubin. Te migunni phia Konchogga zhuwa phulcesla, khoŋ tusgyun zhugsa dzaddanog.

²⁶ Tetsogssi lama chenmoe ŋadaŋŋi gossgomgun đub cugganog. Khoŋ ni, dampa, skyonmed, stsaŋma, sdigcangunne soso phea dzadkan taŋ namkhe naŋŋa stsiwa cheshogcanni Kosa thobba dzadkanbo zhugste innog. ²⁷ Zhan lama chenmogun tsogsla khoŋŋa goma khoranŋi sdigpa, yaŋ tene zhanmigunni sdigpe phia, zhagdaŋ ŋogchod phulgos medpa innog. Ciazerna Yeshui khoŋraŋ lancig mitshaŋme phia ŋogchodla phulla dzads. ²⁸ Thimssi uthugscanni lama chenmogun skoanog. Innaŋ thimssi stiŋne Konchoggi naa nyampo khoŋraŋŋi ŋas ldamma dzads, yaŋ khoŋŋi ŋaspo dzomspo lama chenmo tusgyunni phia coa dzads.

^y7:17 ibo ni zhalchad snyiŋpe suŋgurri speche 110:4 naŋŋa yodte innog.

^z7:21 ibo ni zhalchad snyiŋpe suŋgurri speche 110:4 naŋŋa yodte innog.

Mashika ni n̄adaᅇgunni lama chenmo zhugste innog.**8:1 ne 13**

8¹ De zercessi tonbo ni, n̄adaᅇgunla lama chenmozhig yodte innog. Khoᅇ ni namkhe naᅇᅇa zirrijdcanni Konchoggi zhugsthissi yas chogsla stsiwacanni nasseka zhugskanbo in. ² Yaᅇ namkhe kur, ᅇospoe colse nasse naᅇᅇa lame tshulla zhabstog zhua dzaddanog, kabo mii macoa Tsoo Konchoggi coa dzadte innog.

³ Lama chenmo tshaᅇma, skyes taᅇ ᅇogchod gun phulcesla skoa dzad pasaᅇ, n̄adaᅇgunni namkhe lama chenmoaᅇ phulcesla chodpazhig yoᅇgos. ⁴ Galtes khoᅇ, i jigstennika zhugste yodpinna tene khoᅇ lamazhig in khoraaᅇ maᅇᅇo, ciazerna iru ᅇhims naᅇzhin chodpa phulkanni lamagun yodte innog. ⁵ Lamagunni zhabstog zhuin colse nassabo namkhe naᅇᅇa yodkanni ᅇosmaboe ᅇibkyag tsogsshig innog. Tennaboephia Mozessi kur cocespo gozug co zane, Konchoggi khoa spaᅇpudda dzadte mols, "De khyoraᅇᅇa rika shadkan naᅇzhin, te kurbo cocessi naᅇᅇa tshir taᅇ kurri riᅇ taᅇ zhaᅇ tshaᅇma tantan cogos.^a"

⁶ Innaᅇ ta Konchoggi n̄adaᅇᅇi lama chenmo Yeshua, sᅇunme lamagunni saᅇ maᅇᅇa gyaspa zhabstog zhucesshig salla dzadte innog. Tenna tsogsla khoᅇᅇi Konchog taᅇ n̄adaᅇgunni parla chaddon soma dzadkanbo sᅇunme saᅇ gyassa innog. Teboe naᅇᅇa Konchoggi kane n̄adaᅇᅇa thobcescanni cinlabsgun, maᅇᅇa gyalla zhalchadzhiggika stente innog.

⁷ Galtes gome chaddonbo skyonmedshig yodpinna, tene teboe tshabsla chaddon nyispe gossdom medᅇo. ⁸ Innaᅇ Konchoggi migunni naᅇᅇa skyon zigspa mols, "Zhagpo lebpin innog Tsoo Konchoggi mols,

De Israel taᅇ Yahudapa migun nyampo chaddon somazhig coin.

⁹ I chaddonbo ᅇe khoᅇgunni phamespogun nyampo cokaᅇbo tsogs miyoᅇ,

Kazane ᅇe khoᅇgunla lagpa thamste Ijibne philogga ᅇhidte khyerpin.

Khoᅇgun ᅇe chaddonboe naᅇᅇa idshescan maluspa,

De khoᅇgunla gyab gyurpin, Tsooe mols.

¹⁰ Innaᅇ testiᅇᅇe ibo ni Israelpagun nyampo

Cocescanni chaddon somazhig in, Tsooe mols.

De n̄araᅇᅇi ᅇhimsgun khoᅇgunni sambe naᅇᅇa cugin

Yaᅇ ᅇe khoᅇgunni snyiᅇgunni naᅇᅇa ᅇiin.

^a8:5 ibo ni zhalchad snyiᅇᅇe Mozessi specha nyispe 25:40 naᅇᅇa yodte innog.

Ɗa kɔŋgunni Konchog, yaŋ kɔŋgun ɲe migun gyurin.

¹¹ Yaŋ kɔŋgunni khoranɲi khyimtshepagun matshad nyengunlan 'Khyozhe Tsoo Konchog shesgos' zerte labgos miyoŋ.

Ciazerna nyamshuŋne tagpo tshogpa, kɔŋ tshaŋme ɲaa shesin.

¹² Yaŋ ɲe kɔŋgunni ɲanpagunla shagspa taŋin

Yaŋ ɲe kɔŋgunni sdigpagun mane idtu mibor.^b

¹³ Konchoggi chaddon "Some" zhalta salla dzad zane, kɔŋɲi sɲunme chaddonboe gossdom medkanbo stannanog. Yaŋ snyiŋpa taŋ phanmithogs gun gyogspa medkan chanog.

Jigstenni colse nassa.

9:1 ne 10

9 ¹ Konchoggi Israelpagun nyampo dzadkanni zhalchad taŋpoboa, colcessi thims taŋ, colse nassa yodte innog. ² Te colcessi kurboe naŋɲa naŋmig nyis yodpin. Cigpoe naŋɲa odstags, cogtse taŋ, cogtseka dampe tagi gun yodpin, yaŋ i naŋboa dampe nassa zerradpin. ³ Teru yollazhig yodpin yaŋ yolle gyablogpoa nyispa naŋmigpo yodpin, kaboa tshaŋmesaŋ nassa dampabo zerradpin. ⁴ Tenaŋɲa spos tugse serri chodɗhi taŋ chaddonni gham zerkanni shiŋɲi gham, chogs tshaŋmane serri tumskanbo yodpin. Te ghammi naŋkugga manna zerkanni tagi gyaŋskanni serri nod, Aronni chagber loma skyeskan, yaŋ chaddon ɗikanni rdoa lebleb gun yodpin. ⁵ Ghammi khethogpoeka shogpa yodkanni zirrijidcan soŋyodkan nyissi zo coste yodpin, kagunni shogpe Konchoggi snyiŋrje thobse nassabo kabste yodpin. Dagsa tegunni skorla zhibsal coste shadgos medpa innog.

⁶ I tshaŋma raŋraŋɲi nasseka borcessi laspo tsharte stiŋne, lamagun khoranɲunni chossi khaggun cocesla te taŋpo naŋboe naŋɲa zhagdaŋ chadpin. ⁷ Innaŋ tshaŋmesaŋ nassa dampaboe naŋɲa lama chenmo mane, suzhiggaŋ chachogssa medpin, teboan lo ciggi naŋɲa lanphog cig. Yaŋ khoe khoran taŋ migunni gyus medpa cokanni sdigpagunni phia, ɗaggi chodpa phulladpin. ⁸ I thimsgun cocespo, te tshaŋmesaŋ dampe nassa, tshaŋme phia maphea inkanbo dampe thugnyiddi sɲon cugga dzads, namtshogpa te colse kurbo lus.

⁹ Te colcessi tshirka, yaŋna lame chodpaa phulkanni skyes taŋ soŋchod gunni, colkangunni semsgun stasaŋma co mathubkanbo ni itussi spezhig innog. ¹⁰ Te

^b8:12 ibo zhalchad snyiŋpe yeremyi speche 31:31 ne 34 naŋɲa yodte innog.

snyinpa tshirkabo zaces, thuñces tañ stsañma cocessi lugşolgun nyampo ðelte innog, itsogssi zugspe thogssi tshirkagun te soma chaddon gozug chacha tshagpa luspın.

Mashika ni dzomspo şogchodbo in.

9:11 ne 28

¹¹ Innañ thobkanni cinlabs tshañme, lama chenmo gyurte stiñne Mashika, namkhe dzomspoe kurri nañkugga skyodda dzads, kabo mi lagpane macokan ya dzambuliñji khagshig manog. ¹² Rama tañ betse thaggun manpa, Mashika khoñrañji skuthag gyudte, tusgyunni phia lancig tshañmesañ nassa dampaboe nañña skyodda dzads. Teboe zhaste khoñji ñadañgunni sdigpe rinbo tusgyunni phia shalla dzads.

¹³ Rama tañ lañto gunni thag yañ betse şagskanni Gogthal lugşol nañzhin tshitu gyurkangunnika yogcespoe, khoñgun zugspe thogne stsañma gyurranog.

¹⁴ Tene samba sallañ, sonte Konchogga colcesla mashike skuthagpoe, ñadañji semspo te ñanpe lasgunne tsamshig stsañma midzad? Thamedpe thugnyiddi stobs gyudte, ñadañji sdigpe phia mashike khoñrañ dzomspo şogchoddi tshulla Konchogga phulla dzads. ¹⁵ Tennaboephia Mashika, Konchog tañ migunni parla chaddon some barmibo innog. Tebo gyudte Konchoggi ldamma dzadkan migunla, khoñji zhalchad dzadkanni thamedpe norskalgun thobthubin. Konchoggi ldamma dzadkanni mi, kagunni chaddon tañpoe yogga sdigpa cos, tegunla chadpe kane tharpa salcesla Mashika ðoñssa dzads.

¹⁶ Norskalli tho Griiskanni shugua stacessi phia, te ðikanni mi shite inkanbo tantan cogos. ¹⁷ Mibo shite stiñne mane, te Griiskanbo laglenni nañña yoñña manog. Norskali Griiskanni mibo sontea yoddi tusla te ðikanbo kolnyanna manog.

¹⁸ Tennaboephia tañpo chaddonbo semscanni thag gyudte laglenni nañña khyoñs.

¹⁹ Mozessi, mitshañmala Konchoggi kagya tshañma silte stiñne, khoñji betse tañ Rama gunni thag yañ chu, marpo Baal tañ hisob zerkanni lcañme yalgagun nyampo, thimssi specha tañ mitshañmeka yogga dzads. ²⁰ Khoñji mols, "I thagpoe Konchoggi khyozhagunla kanyon molkanni chaddonbo stanpo coanog."^c

²¹ Tenna tsogsla khoñji thagpo, kur tañ colcesla kolkanni nod tshañmeka yogga

^c9:20 ibo ni zhalchad snyinpe nañña Mozessi specha nyispe 24:8 nañña yodte innog.

dzads. ²² Ona, Mozessi thims nanzhin halam citshanma thag gyudte stsanma dzaddadkyag, yan thag binste mane sdigpa shagspa thobba manog.

²³ Tennaboephia kur tan tenanña yodkan tshanma, kagun namkhe nanña yodkanni spegun in, tegun semscanni thag gyudte stsanma cogossadpin. Innañ namkhe nanña yodkanni ñosmagun stsanma cocesla semscanni thaggi san manña tagpo şogchoddi gosdom yodte innog. ²⁴ Mashika migunni lagpane cokanni nassa dampaboe nanña maskyods, kabo namkhe nanña yodkanni ñosmaboe tibkyagshig in. Konchoggi skundunla ñadañgunni tshabs coa dzadcessi phia, khoñ namkhe nanña skyodda dzads. ²⁵ Khoñ namkhe nanña yanne yan khoñrañ chodpa phulcesla maskyods, kazug jigstenni lama chenmoe khoranñi thag manpa, semscanni thag khurte lozhuñ tshanmesañ nassa dampaboe nanña chanog. ²⁶ Galtes tebo cogospinna tene jigsten chagspane pharla Mashika lan manpo ñongossa dzadte yoddo. Innañ ta, i stinjuggi tussi nanña khoñ jalte tusgyunni phia lancig, sdigpa tshanma medkan dzadcesla khoñrañi şogpo chodpa phulla dzads.

²⁷ Kazuggi mitshanma lancig kanemed shigossanog, yan teboe stinñe Konchoggi thimscadbo nyongos. ²⁸ Tenna tsogsla Mashika lancig mi manpoe sdigpagunni chadpabo namste ñongssa dzads. Ñadañgunni sdigpe chadpa namsshesla manpa, khoñña şunste yodkangun skyobcesla khoñ yanşkyar skyodda dzadin.

Mashike tshanme tonla lancig khoñrañ şogchodla phulla dzads.

10:1 ne 18

10 ¹ Mozessi thims ni yonçescanni zanpoe tibkyagpo innog ñospobo manog. Tennaboephia thimspoe, lozhuñ tsogs şogchodgun phulces gyudte colla yonkangun, cisathogne stsanma co mane manyanna innog. ² Galtes stsanma conyanpinna, tene şogchod phulcespo tsharte meddo. Ciazerna şogchod lancig phulcespoe colkangun tusgyunni phia stsanma sonje yoddo. Yan khoñgunni nanña khoñrañgunni sdigpe noñspo luste meddo.

³ Innañ te şogchodgunni khoñgunla lozhuñ khoranñgunni sdigpe idtu skullanog.

⁴ Ciazerna lanjo tan Rama gunni thaggi, sdigpa medkan mane conyanna manog.

⁵ Tennaboephia nam Mashika jigstenni nanña skyods, khoññi Konchogga mols,

"Nyeranña semscanni şogchod ya

Sdigpe chodpa gunni thugsdod medte innog.

Innañ nyeranñi ñaa, chodpaa phulcesla zugspozhig sals.

⁶ Nyeran mee nanña şagkanni chodpa

Ya, zhan sdigpe chodpa gunla thugnyessa madzads."

⁷ Tene ñe zerpín 'Zigssañ, kye Konchog,

Ña nyeraññi thuggoñs coala yoñspin,

Kazug ñe skorla dampe suñrabssi nañña Griiste dug.^d "

⁸ Tañpo mashike mols, "Nyerañña semscanni şogchod ya, sdigpe chodpa gun ya, mee nañña şagkanni chodpa ya, zhan sdigpe chodpa gunni thugsdod med ya, tegunla thugnyessa madzads" (Zhan tegun Mozessi thims nañzhin phulgosañ).

⁹ Tene khoññi mols, "Zigssañ, ña nyeraññi thuggoñs coala yoñspin." Khoññi chaddon nyispabo laglenni nañña khyoñña dzadcessi phia chaddon tañpobo medkan dzads. ¹⁰ Ciazerna Konchoggi thuggoñspo ni, lancig tusgyunni phia Yesu mashike skuzugspo şogchodla phulte, ñadañgun stsañma coa dzadcespo innog.

¹¹ Chaddon snyiñpe nañña, lame zhagdañ chodthi dunla chodpagun phulin zhabstog zhuanog, kaboe sdigpa medkan mane conyanna manog. ¹² Innañ ñadañgunni lama chenmoe, khoñrañ lancig chodpa phulte tusgyunni phia sdigpagun medkan coa dzads. Tene khoñ Konchoggi yaspa chogsla stsiwacanni nasseka zhugsa dzads. ¹³ Khoñ teru tetetshogpa zhugsin namtshogpa khoññi ðaogun khoñraññi zhabssi yogga borra midzad. ¹⁴ Khoñraññi şog, chodpa phulcespoe, khoññi dampa coa dzadcescangunla tusgyunni phia dzomspo coa dzads.

¹⁵ Yañ dampe thugnyiddiañ teboe skorla spañpo sals, tañpo ni,

¹⁶ "Te zhagga ñe ñaraññi migun nyampo chaddon somazhig coin.

Ña Tsooe zerrad, ñe ñaraññi thimsgun khoñgunni semssi nañña borin,

Yañ tegun khoñgunni sambe nañña ðiin.^e"

¹⁷ Tene khoññi mols,

"Ñe khoñgunni sdigpagun rjedin,

Yañ khoñgunni thims cagkanni lasgun idtua mibor.^f

¹⁸ Sdigpagunla Konchogne shagspa thobste stiñne, yañskyar şogchod phulgoshessi gossdom medpa innog.

^d**10:7** ibo ni zhalchad snyiñpe suñgurri speche nañne 40:6 ne 8 i nañña yodte innog.

^e**10:16** ibo zhalchad snyiñpe yeremyi speche 31:33 nañña yodte innog.

^f**10:17** ibo zhalchad snyiñpe yeremyi speche 31:34 nañña yodte innog.

Snyiņrus coshig.**10:19 ne 39**

¹⁹ Tennaboephia ñe cespe spun taņ spunmo gun, Yeshui skuthag gyudte, ñadaņgun namkhe tshaņmesaņ nassa dampaboe naņña hampa nyampo zhugsnyannanog.

²⁰ Khoņ ðoņshespoe Yeshui mitshe salkanni soma lamshig phea dzadspa, ñadaņgun te yolla galte tshaņmesaņ nassa dampaboe naņña chanyannanog. ²¹ Konchoggi naņtshaņs, ñadaņgunnika waņşulla dzadkanni lama chenmo tagpozhiņ zhugste yodpa, ²² ñadaņgun ðaņpo snyiņ taņ idshes gaņpo nyampo Konchoggi skundunla chen. Ciazerna ñadaņgunni semssi naņña yodkanni noņsgun mashike skuthag nyampo stsaņma yaņ ñadaņņi zugspogun chu stsaņma nyampo thua dzadte innog.

²³ Tene spaņpo taņkanni ñadaņņi rewaboeka thetshoms medpa stanpo thamste dugin. Ciazhuna Konchog ni, zhalchad dzadkanbo ðub cugga dzadcessi naņña idshescan zhugste innog. ²⁴ Tene yoņshig, yasha taņ las zaņpo cocessi naņña cig taņ cigga spospa kazuggi taņcesla ñadaņgunni samba taņin. ²⁵ Yaņ kazug khacigga dzomcessi lobs medkan tsogsla ñadaņgun, nyampo dzomcespo phaņ maphaņña, cig taņ cigga spospa toņshig. Migsalli nam khoņ logste skyodcessi zhagpo nyemoa lebin yod.

²⁶ Cespe dzaogun, galtes ñadaņgunla denbe yontan thobste stiņne, miņnaņ sdigpagun coin dugna, tene tegunla shagspa thobcesla phulcessi şogchodshig medpa innog. ²⁷ Tetsogssi migunla Konchoggi jigssnaņcanni thimscad taņ tagpo barin yodkanni me, kaboe khoņņi ðaogun medkan coin, tenna rewabo cigpo luste innog. ²⁸ Mozessi thims khaa manyankanni migun, spaņpo nyis ya summi stiņne, snyiņrje mane medpa saddadpin. ²⁹ Tene samba sallaņ! Konchoggi şas kaņpe yogga nante ðulkan yaņ chaddon dzadkanni Yeshui skuthagpoa, dampa mastsia, yaņ dampe thugnyidla mabebs cokangunla maņña jigssnaņcanni chadpa phoggoshessi ospa manogga? ³⁰ I molkanbo ñadaņgunni shessanog,

"Ñe ða cokangunla lantaņin.

Ñe khoņgunla ospe chadpa taņin.^ş"

Khoņņi iboaņ mols,

^ş**10:30** ibo ni zhalchad snyiņpe naņña thimssi specha nyispa, Mozessi specha şņape 32:35 naņña yodte innog.

"Tsoo Konchoggi khoŋraŋŋi migunla thimscad dzadin.^h"

³¹ Sonpo Konchoggi thimscaddi yogga lebcespo ni jigssnaŋcanzhig innog.

³² Konchoggi odpo khyozheka babste khyozhagunni Mashika tatpa cokanni te sŋunme zhaggun idtu coshig. Ma kagspo thoŋsteaŋ khyozhagun dadpe naŋŋa stanpo dugste inpin. ³³ Lan maŋpo, khyozhaa, migunni ʔoa nagsbardo stante mabebs cos, yaŋ lan maŋpo khyozhagunni tetsogs nagsbardo thoŋkangunla rogs coadpin. ³⁴ Tsonkhaŋŋi naŋŋa kagskangun nyampo khyozhagunni snyinrje stans, yaŋ khyozhe nor kogste khyerkangunla thadpo nyampo khyercugs, ciazerna tesan ʔagga tusgyun lusslescanni gyunorgun khyozhe phia namkhe naŋŋa yodkanbo khyozhagunla gyusinnog.

³⁵ Tennaboephia Tsoo Yeshui naŋŋa yodkanni idshespo phaŋ maphaŋshig. Iboe khyozhagunla solras ʔagpo khyoŋcespo idtu coshig. ³⁶ Khyozhagunni dadpe naŋŋa snyinrus borgoshes innog, ciazerna khyozhe Konchoggi thuggoŋs naŋzhin co tsharracig, khyozhagunla khoŋŋi zhalchad dzadkanbo thobin.

³⁷ Dampe suŋrabssi naŋŋa molte innog,

"Ma tus nyuŋunzhiggi naŋŋa, phebsshescanbo phebsin,

Yaŋ gorcugga midzad."

³⁸ Innaŋ ŋe mi ʔaŋpogunni, dadpe naŋŋa mitshe pudin.

Yaŋ gyabgyurkangun nyampo ŋa mane mithad."ⁱ

³⁹ ʔadaŋgun Konchogga gyabgyurte thestor chogsla chakangun tsogs manog. ʔadaŋgun, semsnyid skyobba dzadcescanni tatpacangun innog.

Fagpo tatpacangunni spe.

11:1 ne 39

11 ¹ Tatpa ni, rewa cokanbo ʔaŋʔaa ʔubcessi lokhyel yodcespo innog. Yaŋ teboe ʔadaŋŋa mathoŋkangun denba inkanbo tantan coanog. ² Tenna tatpabo gyudte, ʔadaŋŋi phamespogunla Konchoggi chogsskyor thob.

³ Dzambuliŋ gaŋpo Konchoggi ka naŋzhinla chags, dagsa ʔadaŋgunla thoŋin yodkanni dzambuliŋbo, sŋunla yodkan riggi kane madzadkanbo, ʔadaŋgunni tatpa cocespo gyudte hagoanog.

^h10:30 ibo ni zhalchad snyinpe naŋŋa thimssi specha nyispa, Mozessi specha ŋŋape 32:36 naŋŋa yodte innog.

ⁱ10:38 ibo ni zhalchad snyinpe hebakug zerkanni speche 2:3 taŋ 4 naŋŋa yodte innog.

⁴ Tatpa yodcespoe, Abelli Konchogga khoranji aco Kayinni sañ chodpa manja gyalla phuls. Tennaboe zhaste Abelli chodpagunla chogsskyor dzadte Konchoggi khoa mi ðanpo thea dzads. Abel ma tus manpoe sñunla shite mednañ, khoe tatpabo ñadañgunni phia taruññañ spezhig innog.

⁵ Tatpa yodcespoe, hanog^j zerkanni butshabo shi mashia, namkhaa khyerra dzads-"Kho jigstenni nañña mathob ciazerna Konchoggi kho khyerra dzads^k", namkhaa khyerri sañ sñunla khoa Konchog thugsthadcugga dzadkanni mizhig theadpin.

⁶ Yañ tatpa medpa Konchog thugsthad cugnyanna manog. Khoñ yodsa yoñnyin yodkangunni, Konchog zhugste yodkan tañ snyijne tsalkangunla solras salcespoa tatpa cogos.

⁷ Tatpa yodcespoe, Noae khoranji nañtshañsgun chulogne skyobcessi phia tuziñ chenmozhihig stsig. Khoe yoñcescanni jigspagunni skorla spanpudda dzadkanni Konchoggi kanyans. Dadpe zhaste Noae tuziñji nañña mazhonkanni jigstenpagunnika Konchoggi thimscad khyoñs. Yañ tatpa gyudte, Konchoggi Noa mi ðanpozhihig thea dzads.

⁸ Tatpa yodcespoe, Abrahammi Konchoggi kanyans, nam Konchoggi khoa ranji phayul phañste, khoñji khoa norskalla salla dzadcessi te nassaboa soñ mols.

Yañ karu chacespo gyusmedteañ kho soñ. ⁹ Tatpa yodcespoe Abraham, zhalchad dzadkanni nassaboa lebbacig, zhanyulli mi tsogsla kho kurri nañña dugs. Tenna tsogs Isak tañ Yakobbian cos, kagunla tenna zhalchadpo norskalla thobte innog.

¹⁰ Abrahammi lokhyel nyampo tusgyun lussescanni magldan yodkanni gyalsa, Konchoggi khoñranji thabs nañzhin stsigga dzadkanbo thobcesla stadpin.

¹¹ Tatpa yodcespoe, Abraham, margadpo soñte yañ Sara mane tugu majorra inteañ, Konchoggi Abraham aba gyur cugga dzads, ciazerna khoe zhalchad dzadkanni Konchog idshescan zhugste inkanbo thes. ¹² Soñpasañ Abraham rgadpo shicessi nyemoa lebsteañ, khoe phorgyudgun nammi skarma tsogsla manpo tañ gyatshoe thame pema tsogs stsi minyances phel.

¹³ Shicessi zhag tshagpañ, te mitshañme Konchoggi zhalchad dzadkanboe nañña tatpa coadpin. Khoñgunla te zhalchad dzadkanbo mathobba innañ khoñgunni tebo thagrinzhihigne thoñte gasus zhus. Yañ khoñrangunla i jigstennika zhanme yullimi tañ rebopa gun zerradpin. ¹⁴ Tezug zerkangunni, khorangunni in zernyancescanni

^j11:5 yañna enog zerkanni mibo

^k11:5 ibo ni gozug zerkanni speche 5:24 nañña Griiste dug.

yulzhig tsallanog. ¹⁵ Galtes khonḡunni phanḡste yonḡskanni phayulbo sammadpinna, tene khonḡunla logste chacessi skabs thobte yodḡo. ¹⁶ Innaḡ khonḡunni maḡḡa gyalla yulzhiggi phia dodpa coadpin, namkhe naḡḡa yodkanboa. Tennaboephia Konchog, khonḡunni Konchog zhucsla, ḡhella madzad, matshad khonḡḡi khonḡunni phia gyalsazhiggaḡ stsigga dzads.

¹⁷ Tatpa yodcespoe, Konchoggi Abrahamma tshodltaa dzad zane, khoe Isakgaḡ ḡogchodla phuls. Konchoggi zhalchad thobkanni Abraham, khoranḡḡi butshaa cigcigpoanḡ ḡogchodla phulcesla ḡaldḡig yodpin. ¹⁸ Zhan Konchoggi khoa molla dzadnaḡ, "Isak gyudte khyoranḡḡi phorgyudgun phelin."¹ ¹⁹ Abrahammi sam, Isak shinaḡ Konchoggi kho yaḡskyar sontea laḡḡa dzadnyanin. Yaḡ staste khyerna tebo cuḡ, Abrahamma khoranḡḡi butsha shite stiḡne logste thobkan tsogs innog.

²⁰ Tatpa yodcespoe, Isakgi khoranḡḡi butsha Yakob taḡ Isau nyiskoa khonḡunni yonḡcescanni tussi phia cinlabs sals.

²¹ Tatpa yodcespoe, Yakob shi zane, khoe Yosebbi ḡugu nyiskoa cinlabs sals, yaḡ kho rgadpo chanaḡ khoranḡḡi ḡulcessi berga stente Konchogga cols.

²² Tatpa yodcespoe, Yoseb shiin yoddi tusla, khoe Israelpagun Ijibbi yulne biḡste chacessi skorla zers. Yaḡ khonḡun cha zane khoe ruspagun nyampo khyercessi labzhaa taḡs.

²³ Tatpa yodcespoe, Mozessi phamagunni kho skyeste stiḡne lzawa sum tshagpa vaste bors, ciazerna khoe phamagunni kho zhan ḡugugunni saḡ khyadparcanzhig thoḡ. Yaḡ Ijibbi gyalpoe khaa minyancesla khonḡun majigs.

²⁴ Tatpa yodcespoe, Mozes ldante stiḡne khoe khoranḡḡa gyalpo Pheroe tshao zer macugs. ²⁵ Tus nyuḡunzhig, sdigpe skyidpogunni naḡḡa thadpo coe saḡ Israelpagun nyampo nagsbardo khurcespo Mozessi ldams. ²⁶ Mozessi Ijibbi gyurnorgunni saḡ mashike tonla sdugsḡal nyonḡcespo maḡḡa rincan inkanbo hago, ciazerna khoe thobcescanni te tagpo solraspoa stadpin. ²⁷ Tatpa yodcespoe, gyalpoe ḡoa majigssa, kho Ijibbi yul phanḡste soḡ. Khoe snyinrus nyampo tegun coste inpin, ciazerna khoe khoranḡḡi migpo mathonḡkan Konchog chogsla bors.

²⁸ Tatpa yodcespoe, goma skyekanni butshagun saddala yonḡkanni phonye kane skyobcessi phia, Mozessi Israelpagunla pesaggi tus stsices taḡ lugui ḡhaggun ghoestaggika skucesla ka taḡs.

¹**11:18** ibo ni gozug zerkanni speche 21:12 naḡḡa Griiste dug.

²⁹ Tatpa yodcespoe, Israelpagun tsho marpoe zhuņne sakyad skampo gyudte ɖuls. Innaj Ijibpagunni khorņgunni gyabne yoncessi stsonɖus coacig, khorņgun chui nanja nubte shi.

³⁰ Tatpa yodcespoe, Israelpagun Konchoggi kanyante, Yerikoe ɖonkhyerla zhagpo rdun skorra tanpa, ɖonkhyerla skorte yodkanni stsigpabo zhig.

³¹ Tatpa yodcespoe, zugstsonma Rahab, khaa manyankan khoe ɖonkhyerpagun nyampo shi mashi, ciazerna khoe khoranji kharpe nanja ibste yonkanni Israelpa nyiskoa gasus zhus.

³² Taruņ tsamshig manpo ŋaa zergos? Gidion, Barag, Samson, Yephthaa, Dabid, Shamuēl tan, luņstonpagunni skorla shadcessi tus ŋaa med. ³³ Kagunni tatpa yodcespoe, gyalkhabgun ŋayogga khyoņs, ɖanpoe thagcadgun tan, zhalchad dzadkangun thob, Konchoggi sinjee khagun kagga dzads, ³⁴ me tagpo barkanni nanne thar, rai nyampo shicesne thar, uthugs yodkangun shedcan gyur yan Maggi nanja shedcan gyurte ɖaoe magmigun shorcugs, ³⁵ bumogunla khorangunni cessa shikangun sontea lanste thob, zhangunla nags santhe thon, tekane tharcesla khorņgunni Konchog maphan. Khorņgunni shite sontea lanste stinje, mitshe gyallazhig thobcespoe nanja rewa borradpin.

³⁶ Zhangunla thelba coste stallcag manpo phog, yan zhangunla lcagthag tagste tsonkharji nanja kags. ³⁷ Khacigga rdoa gyabste sads, khaciggi zugspo khagnyissi nanja shags, zhangun rai nyampo sads, khacigga gongyu can medpa, lug tan Rame pagspagun gonte ɖuls. Khorņgunla yodkanni ranwanbo kogste miospa coadpin.

³⁸ Jigstenpagunla te tatpacangun nyampo mitshe phudcessi ospa medpa innog. Te tatpacangunni nanne khacig thanston tan ri gunla khorin dugs, khacig ɖagphugs tan sadoņ gunni nanja ibinzhig dugs.

³⁹ Zhan khor tshanmala tatpa yodcespoe Konchoggi stodpa thobnan, tegunni tone ciggan zhalchad dzadkan tshanma mathob. ⁴⁰ Konchoggi thugssammi nanja, nadan tshanme phia manja gyalla sambazhig yod pasan, te tatpacangunlan nadan nyampo mane dzomspo coa midzad.

Konchoggi khoranji tugugun skyonja dzads.

12:1 ne 13

12 ¹ Teboephia nadangunla dadpe nanja mitshe pudkanni mitshogs chenmozhighi skorte yodpa, nadanji dadpe nanja ɖul macugkan tan lamo nyampo thilkanni sdigpa gun phanste Konchoggi ɖaldig coa dzadkanni

baŋgyugspo ɲadaŋgunni snyiɲrus nyampo taɲin. ² Ɖadaŋgunni miggun Yeshuika borin, kaboe ɲadaŋgunla gothid dzadte ɲadaŋgunni tatpabo dzomspo gyur cugga dzaddad. Khoŋɲa ʃuŋste yodkanni skyidpoe thuggyus yod pasaŋ, thelba masamma snyiɲrus nyampo khoŋɲi ʃkyaŋshiŋɲi sdugsɲalbo namssa dzads. Dagsa khoŋ Konchoggi zhugsthissi yaspa chogsla stsiwacanni nassaboeka zhugste yodte innog. ³ Samba sallaŋ sdigcan miggunni nags stankangun snyiɲrus nyampo ʃanna dzadkanni Yeshui skorla, tene khyozhagun ʃante ɲalmiŋal yaŋ khyozhe rewabo phaŋmiphaŋ! ⁴ Sdigpe gyabgalla nolin, khyozhagunla taruŋ tshagpa shicessi sdugsɲalbo macuŋɲa innog.

⁵ Khoŋraŋɲi ʃugugunla spospa salin Konchoggi molkanbo khyozhagunni rjeddaa?,

"Ɖe ʃugu, Tsooe skyoŋɲa dzadcespoa snaŋmed macoshig
Yaŋ khoŋɲi chadpa salla dzad zane,
Sems chagste rewabo maphaŋshig.

⁶ Ciazerna Tsooe cespa dzadkangunla skyoŋɲa dzaddanog
Yaŋ khoŋraŋɲi ʃugu thekangunla chadpa salla dzaddanog.^m"

⁷ Konchoggi skyoŋcespoa, khyozhagunni snyiɲrus co zane, khoŋɲi khyozhaa khoŋraŋɲi ʃugu tsogs thea dzadkanbo idtu coshig. Abe maskyoŋkanni ʃuguzhig su yodkyag? ⁸ Skyoŋcespo tshaŋmeka cuŋɲanog. Konchoggi maskyoŋkangun khoŋɲi denbe ʃugugun manpa, nalugun innog. ⁹ Zhan ɲadaŋgun skyoŋkan jigstenni abagunla ɲati stsiwa coanog, tene tsamshig maŋɲa ɲadaŋgun ɲadaŋraŋɲi thugnyiddi yabba stad magos? Tezug cona tusgyun sontea lusin.

¹⁰ Jigstenni abagunni tus nyuŋunzhiggi phia ɲadaŋgunla samba gyalla nyampo skyoŋɲanog. Innaŋ Konchoggi ɲadaŋraŋɲi phanthogssi phia ɲadaŋgun skyoŋɲa dzaddanog, tebo dzadcessi gyuntshan ni, khoŋ dampa inkanbo ɲadaŋ nyampo goa dzadcespo innog. ¹¹ Skyoŋcessi tuspo skyidpo manpa sdugsɲalcanzhig yoŋɲanog. Innaŋ stiŋne itsogssi lammi naŋɲa lobjoŋ thobkangunla ɳaŋpo taŋ zhidee ɳasbugun sminin.

¹² Tennaboephia ɲalkanni lagpa taŋ uthugs pigmo gun shedcan coshig. ¹³ Uthugs taŋ zhao gun thua machaa shedcan gyurcessi phia lam ɳaŋpoeka ɳulshig.

^m12:6 ibo ni zhalchad snyiŋpe tamspe zerkanni speche 3:11, 12 naŋɲa yodte innog.

Konchoggi molkangun nyancesla zhuwa.**12:14 ne 29**

¹⁴ Mitshaṅma nyampo zhide naṅṅa dugcessi stsonḍus coshig, dampa mitshezhiḡ phudshig. Dampa madugkangunla Tsoo jalhubba manog. ¹⁵ Konchoggi thugrje mathobba suzhiggaṅ lus milusshesla naṅstag coshig. Yaṅ tuggi patag ṅanpa gyaste nags stances taṅ maṅpoa lasṅangun co micugcesla shaṅ coshig. ¹⁶ Suzhiggiaṅ lusḍel ṅanpe codlam ya Isau tsogsla tatpa medkanni mitshe miphudcesla tantan coshig, kaboe khoranṅi goma skyeskanni thobtanḡun tshendar ciggi kharjii phia tsonḡ. ¹⁷ Khyozhagunla gyusyodte innog, stiṅne Isaua khoranṅi abe cinlabspo gos zane abe khoa mataṅs. Zhan khoe gyodpa coste maṣanṅe ṅuin zhuwa phulnaṅ, khoa khoranṅi abe thagcaddi naṅṅa gyurja khyoṅ manyan.

¹⁸ Khyozhagun te riboika lebste manog kazug Israelpagun Sinai zerkanni ri, me barin, munnag taṅ thibthib jigshes yaṅ luṅtshub gunni kabskanboeka leb. ¹⁹ Tenna nassaboeka Israelpagunla taḡpo tuṅṅi skad taṅ, ma jigssnaṅcanni suṅskadcig tshorpa, khorḡunni Konchogga yaṅskyar mimolcesla juju zhus. ²⁰ Ciazhuna Konchoggi ka, "Galtes semscanzhiggiaṅ i riboa thugna, te semscanboa rdoa gyabste sadgos,"ⁿ molkanbo khorḡunni lenmathub. ²¹ Riboka jigssnaṅcan cuṅkangun thoṅte, Mozessi mols "Ḋaa maṣanṅe jigste darrarag."^o

²² Innaṅ khyozhaa Ziyon zerkanni ri, namkhe Yerushalemmi naṅṅa lebste innog, kabo sonpo Konchog zhugsse gyalsabo in, karu ḍanṅska medkanni phonyagun skyidpo cocesla dzomin innog. ²³ Khyozhagun Konchoggi goma skyeskanni tuḡugun dzomsse naṅṅa lebte innog, kagunni miṅgun namkhe naṅṅa Griiste yodte innog. Khyozhaa, mitshaṅmeka thimscadda dzadkan Konchog khorṅraṅ yodsa, yaṅ ḍaṅpo migunni semsnyid yodsa lebte innog, kagunla dzomspo dzads. ²⁴ Khyozhagun Konchog taṅ migunni parla chaddon some barmi, Yeshui skundunla leb, khorṅṅi skuthag phoskanboe, Abelli thag tsogsla ṣoggi tshabsla ṣoglences manpa, shagspa dzadcessi phia molla dzads.

²⁵ Konchoggi molla dzadkanboa miṅnaṅ minyancesne shaṅ coshig. Galtes Israelpagunni jigstenpaa lonkhyoṅkan, Mozessi spaṅpudkangunla naṅmed cocespoe, khorḡun te thimscadne shor manyanna inna, tene galtes ṅadaṅṅi

ⁿ12:20 ibo ni zhalchad snyiṅpe Mozessi specha nyispoe 19:12 taṅ 13 naṅṅa yodte innog.

^o12:21 ibo ni thimssi specha nyispa, Mozessi specha ṣṅape 9:19 naṅṅa yodte innog.

namkane zhalta salkanboa naŋmed cona, ɲadaŋgun kazuggi tharthubin.

²⁶ Konchoggi ri Sinai kane mol zane, khoŋŋi suŋskaddi jigstenbo skulla dzads. Innaŋ dagsa khoŋŋi zhalchadzhig coa dzads, "Yaŋ lancig ɲe jigsten cigpo manpa dzambuliŋ gaŋpo skulin.^p" ²⁷ "Yaŋ lancig" molkanni tonbo ni, skulnyankangun medkan dzadin, yaŋna Konchoggi dzadkan tshaŋma. Tennaboephia skulmanyankangun cigpo lusin.

²⁸ ɲadaŋgunla mane skulminyankanni gyaŋsidzhig thobin yod pasaŋ, ɲadaŋgunni thugrjeche zhuin, yaŋ jigs taŋ stsiwa chenmo nyampo colte Konchog thugnyes shugin. ²⁹ Ciazerna ɲadaŋgunni "Konchogpo ni, medkan cokanni me tsogs innog."^q

Stiŋjuggi spospa.

13:1 ne 25

13 ¹ Cig taŋ cigga miŋŋiŋ tsogsla cespa cocespo mane maphaŋshig.

² Masheskangunla raŋŋi khaŋpaa gasus zhucesla snaŋmed macoshig. Gasus zhucespoe, khaciggi mashessa phonyagunla gasus zhuste inpin. ³ Khyozharaŋgun tsonkhaŋŋa yodkan tsogsla, tenaŋŋa yodkan tatpacangun idtu coshig, matshad khyozharaŋgunla cuŋkan tsogsla, sdugsŋal cuŋkanni tatpacangunnaŋ idtu coshig.

⁴ Bagstonla tshaŋme stsiwa cogos, yaŋ magpa taŋ nama nyisko, cig taŋ cig nyampo idshescan yoŋgos. Ciazerna Konchoggi ɲaŋpa luŋdel yaŋ zhidmad mankan nyampo luŋdel borkan gunla thimscad salla dzadin. ⁵ Penea cespa macoshig. Raŋŋa yodkanboeka tshimste dugshig. Ciazhuna Konchoggi molla dzads,

"ɲe khyozhagun mane miphaŋ

Yaŋ khyozhagun gosdommi naŋŋa mane mibor."^r

⁶ Teboephia ɲadaŋgunni lokhyel nyampo zer thubin,

"Tsoo ni ɲe rogs dzadkanbo inpa,

ɲaa jigsgos mane med,

Yaŋ migunni ɲaa ci conyanin?^s

^p12:26 ibo ni zhalchad snyiŋpe luŋstonpa hagi speche 2:6 naŋŋa yodte innog.

^q12:29 ibo ni thimssi specha nyispa, Mozessi specha ŋŋape 4:24 naŋŋa yodte innog.

^r13:5 ibo ni zhalchad snyiŋpe naŋŋa thimssi specha nyispa, Mozessi specha ŋŋape 31:6,8 naŋŋa yodte innog.

^s13:6 ibo ni zhalchad snyiŋpe suŋgurri speche naŋne 118:6 naŋŋa yodte innog.

⁷ Khyozhagunla, Konchoggi ka labba dzadkanni uskyonḡun idtu coshig. Khoḡgunni mitshe phudtshulli ḡasbu zaḡpogunni skorla samba tonshig, yaḡ khoḡgunni dadpe speeka ḡulshig. ⁸ Yeshu Mashika ni sḡunla, dagsa yaḡ tusgyun gyurja medpa tsogs zhugste innog. ⁹ Minḡa minḡa labzhagunni stinraḡne machashig. Kharji zaccessi thims sḡḡkangunla caḡ phanthogs thobba manog. Teboephia te thimsgun manpa Konchoggi thugrjee gyudte, khyozhe semsgun shedcan coshig.

¹⁰ Ḣadaḡgunla chodthizhig yodte innog, kaboe kane kurri naḡḡa chodpa phulkanni lamagunla zaccessi thobtaḡ medpa innog. ¹¹ Tshir snyinḡe naḡḡa lama chenmoe semscangunni thagpo, nassa dampaboe naḡḡa sdigpe phia sḡgchoddi tshulla khyonḡadpin. Yaḡ semscanni zugspogun Israelpagun dugse philogga mea sḡggadpin. ¹² Teboephia Yeshuinḡ khoḡraḡḡi skuthag gyudte migun dampa cocesla, Yerushalemmi gyalse gyasghoe philogga sdugsḡal nams. ¹³ Tenna tsogsla ḡadaḡgunnaḡ philogga Yeshu zhugsaa chen, yaḡ khoḡḡi thelbe naḡḡa ḡesin. ¹⁴ I jigstennika ḡadaḡḡa tusgyun dugse gyalsazhig medpa innog. Innaḡ ḡadaḡgun te yonḡcescanni gyalsaboa sḡḡste innog.

¹⁵ Teboephia ḡadaḡgunni tusgyun Yeshu gyudte Konchogga stodpe chodpa phulin, tshaḡme dunla Yeshui gyabne ḡaḡskanbo shadin. ¹⁶ Las zaḡpo coces taḡ gossdom yodkangunla goste taḡcesgun rjed marjedshig, ciazerna itsogssi chodpagunla Konchog thugnyessa dzaddanog.

¹⁷ Chostshogssi uskyonḡgunni kanyante khoḡgunni waḡḡi yogga dugshig. Khyozhagunni dadpe mitshe stastog cocespo ni khoḡgunni khag in pasaḡ, khoḡgunla Konchogga stsirug taḡ gossanog. Khoḡgunla igun sdugpo nyampo co macugga, skyidpo nyampo cocugcesla khoḡgunni kanyonshig, tebo khyozhagunni phanthogssi phia innog.

¹⁸ Ḣazhagunni phia moslam zhushig. Ḣazhagunni sems nonḡmed incespo ḡazhaa tantan rag. Yaḡ ḡazhe dodpa ni, cisathogne stsiwacanni mitshezhig phudcespo in.

¹⁹ Migsalli ḡa khyozhagun yodsa gyogspa logste yonḡ nyancesla moslam zhushig.

²⁰ Ta zhide Konchog, luggunni lugsdzi tagpo,

Tsoo Yeshu Mashika shikangunni tone sontea laḡḡa dzadkan,
Kaboe skuthagpoe thamedpe chaddonboa thetse gyabba dzads.

²¹ Konchoggi thugḡonḡgun cocesla,

Gossdom tshaḡma khyozhagunla salla dzadshig.

Yeshu Mashika gyudte Konchog thugsthadkangun cocesla,

Khoṅṅi ṅadaṅṅi naṅṅa chaglas dzadshig.

Tusgyunnegyun Mashika spal thobshig. Amen.

²² De dzaogun juju, ṅe spospa taṅin, i ige chuṅunboe naṅṅa ḍikangunla zodpa nyampo nyancesla zhuwa phullad. ²³ Dadaṅgunni spun Timothy, tsonkhaṅṅi naṅṅe phudkanbo, khyozhagunla gyus chagos sammaraḡ. Galtes kho iru gyogspa lebna ṅa kho nyampo khyozhaa thuggala yoṅin. ²⁴ Khyozhagunni uskyoṅṅun taṅ Konchoggi mitshaṅmala ṅe ju zhurug mol. Italipa tatpacangunni khyozhagunla ju kaldug. ²⁵ Konchoggi thugrjebo khyozhaa tshaṅma nyampo lusshig.